

REGLAMAINIT PER LA CHÜRA DALS DAINITS DALS SCOLARS
DA LA VSCHINAUNCHA DA ZUOZ

In basa a l'artichel 22 da l'uorden da scoula da la vschinauncha da Zuoz ed in accord cul uorden chantunel per la chüra da daints dals 18 december 1990 relascha il cussagl cumünel da Zuoz il seguaint reglamaint:

Validited	<u>Art. 1</u>	Quist reglamaint vela per tuot ils scolars chi absolveschan la scoula populera, üna scoula speciela u üna scoula media, da la scoulina fin e cun il 9avel an da scoula obligatoric, scha'ls genituors haun il domicil d'impostas a Zuoz.
Incumbenzas	<u>Art. 2</u>	La chüra da daints cumpiglia: a) L'instrucziun per ün nudrimaint saun ed üna chüra da daints adequata. b) Acziuns da profilaxa. c) La controlla annuela dals daints, inclusas otras im-süras necessarias seguond l'artichel 2 dal uorden chantunel. Ella vain organisada tres il daintist da scoula in accord culla magistraglia ed es obligatoria per tuot ils scolars seguond art. 1. Scolars da scou-las privatas u specielas staun organiser têla sves. d) Il trattamaint.
Trattamaint	<u>Art. 3</u>	Genituors u rapreschantants giuridics staun consentir al trattamaint dals daints da lur iffaunts. Sün giavüsich vegnan els orientos sur dals cuosts. La tschernia dal daintist es libra.
Onuraris, cuosts e cuntribuziuns da la vschinauncha	<u>Art. 4</u>	Il onuraris dal daintist da scoula as drizzan seguond ils tarifs da la societad Svizra da daintists. La vschinauncha surpiglia tuot ils cuosts da las control-las obligatorias, inclusas radiografias ed im-süras da profilaxa collectiva. Dals cuosts da trattamaints (exclus trattamaints orto-dontics) surpiglia la vschinauncha tar 1 iffaunt = 20 % tar 2 iffaunts = 30 % tar 3 iffaunts = 40 % tar 4 u dapü iffaunts = 50 %

Ils quints originels haun da gnir inoltros tres il daintist aunz il pajamaint a la cancelleria cumünela, chi pisse-ra pel pajamaint e l'inchasch tals genituors, zieva la deducziun da la cuntribuziun da la vschinauncha.

Dumandas da sustegn finanziel supplementer paun gnir inoltredas in scrit al cussagl cumünel.

Survagliaunza	<u>Art. 5</u>	La survagliaunza da la chüra da daints suprasto al cussagl da scoula.
	<u>Art. 6</u>	Cas ortodontics in trattamaint chi nu paun gnir surpiglios da la chascha d'amalos vegnan sustgnieus da la vschinauncha fin il pü tard als 1.-8-1998.
Entrer in vigur	<u>Art. 7</u>	Quist reglamaint rimplazza il reglamaint per la chüra da daints dals scolars da la vschinauncha da Zuoz dals 26 meg 1993. El es gnieu approvo dal cussagl cumünel als 11 december 1996 ed aintra in vigur als 1. avuost 1997.

Per la vschinauncha da Zuoz:

Il president:

L'actuar: